



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ**

ՎԱՐՉԱԿԱՆ ԱԿՏ N 1512788

**ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ**

23 հունիսի 2021թ.

ք. Երևան
(կազմման վայրը)

Ակտի հասցեատեր

Ա/Ձ ԶԱՔԱՐԻԱ ԱՎԵՏԻՍՅԱՆ

(անհատ ձեռնարկատիրոջ անունը, ազգանունը (անհատ ձեռնարկատեր նշումով) կամ իրավաբանական անձի անվանումը)

8	7	7	5	2	4	6	3
---	---	---	---	---	---	---	---

(հարկ վճարողի հաշվառման համարը՝ ՀՎՀՀ-ն)

Կոտայքի մ. ք. Եղվարդ, 5փ. 682.

(անհատ ձեռնարկատիրոջ հաշվառման հասցեն կամ իրավաբանական անձի գտնվելու վայրի հասցեն)

Խախտման նկարագրությունը

ՀՀ ՊԵԿ ՀՕՀ վարչության պետի 14.05.2021թ-ի թիվ 1512788 որոշման համաձայն Ա/Ձ Զաքարիա Ավետիսյանի նկատմամբ իրականացվել են օպերատիվ-հետախուզական միջոցառումներ:

Իրականացված ՕՀՄ-ի շրջանակներում պարզվել է, որ 25.05.2021թ-ին ժամը 11:10-ի սահմաններում, ընկերության վարորդ Մանվել Պետրոսյանի կողմից շահագործվող «Ֆորդ Տրանզիտ» մակնիշի 37 CA 437 հաշվառման համարանիշի բեռնատար ավտոմեքենան դուրս է եկել Կոտայքի մ. գ. Պռոշյան, Գևորգ Զառչի 1/91 հասցեից ուղևորվել է ք. Երևան, Նորաշեն թաղ. 39 121 հասցե: Նշված հասցեում գործող Ա/Ձ Նունե Բադալյանին (ՀՎՀՀ՝ 27846835) ընկերության կողմից 25.05.2021թ-ին ժամը 11:38-ին իրականացվել է ընդամենը 3.600 ՀՀ դրամ արժեքով 24 հատ 0.5լ-ոց թանի մատակարարում՝ առանց համապատասխան ուղեկցող փաստաթղթերի:

ՕՀՄ-ի ընթացքում նույն օրը ժամը 11:47-ին Մանվել Պետրոսյանը ՀՀ ՊԵԿ ՀՕՀՎ աշխատակիցներին հայտնել է, որ մեքենայում գտնվում են՝ ընդամենը 106.970 ՀՀ դրամ արժեքով հետևյալ ապրանքները մասնավորապես՝

1. 0.5լ-ոց չգազավորված թան 192 հատ*160=30.720 ՀՀ դրամ,
2. 0.5լ-ոց չգազավորված թան 228 հատ*140=31.920 ՀՀ դրամ,
3. 1լ-ոց լիմոնադ 120 հատ*140=16.800 ՀՀ դրամ,
4. 0.5լ-ոց լիմոնադ 84 հատ*70=5.880 ՀՀ դրամ,
5. 0.5լ-ոց լիմոնադ ապակե տարայով 80 հատ*130=10.400 ՀՀ դրամ,
6. 0.33լ-ոց լիմոնադ ապակե տարայով 30 հատ*50=1.500 ՀՀ դրամ,
7. 0.3լ-ոց տոմատի հյութ 75 հատ*130=9.750 ՀՀ դրամ:

Նշված ապրանքների տեղափոխումը իրականացվել էր առանց համապատասխան ուղեկցող փաստաթղթերի:

ՀՀ ՊԵԿ տեղեկատվական բազայի ուսումնասիրությամբ պարզվել է, որ ընդհանուր 110.570 ՀՀ դրամ արժողությամբ ապրանքների տեղափոխման և մատակարարման համար ընկերության կողմից 25.05.2021թ-ին ժամը 11:47-ի դրությամբ դուրս գրված չի եղել համապատասխան ուղեկցող փաստաթուղթ:

Թիվ 1512788 արձանագրությամբ 25.05.2021թ. հարուցվել է վարչական վարույթ: Կողմը, պատշաճ ծանուցված լինելով, չի ներկայացել 02.06.2021թ-ին նշանակված վարչական վարույթի լսումներին: Գործում առկա չեն լրացուցիչ ապացույցներ, չեն ներկայացվել միջնորդություններ:

Այսպիսով, Ա/Ձ Զաքարիա Ավետիսյանի կողմից խախտվել է ՀՀ հարկային օրենսգրքի 57-րդ հոդվածի 1-ին մասի պահանջները, ըստ որի ՀՀ տարածքում մատակարարվող կամ տեղափոխվող՝ շարժական, նյութական գույք հանդիսացող ապրանքների (բացառությամբ հանրային ծառայություններ մատուցող հարկ վճարողների կողմից հանրային ծառայությունների ենթակառուցվածքները շահագործելու և (կամ) սպասարկելու նպատակով տեղափոխվող ապրանքների, Կառավարության սահմանած ցանկում ներառված ոլորտներում գործունեություն իրականացնող հարկ վճարողների կողմից տեղափոխվող հիմնական միջոցների, ինչպես նաև խողովակաշարերով և էլեկտրահաղորդման գծերով ապրանքների և արտարժույթի) մատակարարումը կամ տեղափոխությունը պարտադիր կարգով իրականացվում է ուղեկցող փաստաթղթերով:

Կատարված խախտման համար պատասխանատվություն է նախատեսված ՀՀ հարկային օրենսգրքի 410-րդ հոդվածի 1-ին մասի 1-ին կետով, ըստ որի «Օպերատիվ-հետախուզական գործունեության մասին» ՀՀ օրենքով սահմանված կարգով իրականացվող օպերատիվ-հետախուզական միջոցառումների ընթացքում ապրանքների մատակարարման կամ տեղափոխության փաստաթղթավորման համար Օրենսգրքով սահմանված պահանջների խախտման՝ Օրենսգրքով սահմանված պահանջները չբավարարող ուցեկցող փաստաթղթով կամ առանց ուղեկցող փաստաթղթի ապրանքների մատակարարման կամ տեղափոխության հայտնաբերման դեպքում, բացառությամբ սույն հոդվածով սահմանված դեպքերի, խախտման հիմք հանդիսացող գործարքի կամ գործողության մասով՝ գանձվում է տուգանք այդ ապրանքի գնի (արժեքի) 50 տոկոսի չափով, բայց ոչ պակաս 200 հազար դրամից:

Տվյալ դեպքում Ա/Ձ Զաքարիա Ավետիսյանի կողմից խախտումը վերջին 1 տարվա ընթացքում կատարվում է առաջին անգամ: Ապրանքների ընդհանուր գումարը կազմել է 110.570 ՀՀ դրամ, որի 50 տոկոսը կազմում է 55.285 ՀՀ դրամ, ուստի օրենսդրական պահանջից ելնելով Ա/Ձ Զաքարիա Ավետիսյանի նկատմամբ կիրառելի է 200.000 ՀՀ դրամի չափով տուգանք:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի 28.08.2019թ. N 562-Լ հրամանով.

Որոշեցի

1. Հաշվարկել և Ա/Ձ Զաքարիա Ավետիսյանին գանձման առաջադրել 200.000 ՀՀ դրամի չափով տուգանք՝ որպես հարկային պարտավորություն, համաձայն ստորև ներկայացված աղյուսակի՝

	Վճարման ենթակա գումար (դրամ)	Վճարման ուղղությունը	հաշվի համարը
Հարկային օրենսգրքի 410-րդ հոդվածով սահմանված տուգանք ընդամենը, որից՝	200.000	պետական բյուջե	900008000490

2. Ընդունել ի գիտություն՝

- 1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:
- 2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:
- 3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:
- 4) Սույն վարչական ակտը կազմվել է երեք օրինակով:

ԻՎ պետ Ա. Մնացականյան

Վարչական ակտն ընդունող պաշտոնավար անձի
պաշտոնը, անունը և ազգանունը



(Signature)

ստորագրությունը

Կ.Տ.

Ստացա ակտի մեկ օրինակը

ընդամենը 3 էջ

Ա/Զ Զաքարիա Ավետիսյան

Ֆիզիկական անձի անունը, ազգանունը
(անհատ ձեռնարկատիրոջ դեպքում՝ անհատ
ձեռնարկատեր նշումով) իրավաբանական անձի գործադիր
մարմնի ղեկավար (գրագրության ընդունման համար
պատասխանատու անձ՝ հաջորդ ատաքման դեպքում)

ստորագրությունը

2021թ.

(նշում ակտը ստորագրելուց և (կամ) ստանալուց հրաժարվելու մասին)